

179(931). Քիստ լիզող իջևանցի¹:
(Այսինքն՝ ժլատ):

180(932). Բյուփուրը տըրանց թորթափն
ընգյնի:
(Այսինքն՝ անհավատ մարդը
ընկնի նրանց ազդեցության
տակ):

181(933). Բյուսի անել (Բյուսի արած)²:

182(934). Բյուցուփ անել:
(Իրար գլխի հավաքված կուչ
գալ՝ տաքանալու կամ իրար
ապավինելու նպատակով):

183(935). Քոռլուղ տալ:
(Վնասել):

184(936). Օխտը դաթտանի³ ա:
(Շատ ծածկամիտ, բազմադեմ
մարդ):

185(937). Օցերը կծնեն:
(Մինչև ինչ-որ բան լինի):
(Ասվում է այն դեպքում, երբ ինչ-
որ գործ դժվարությամբ է
լինում):

ՕՐՀՆԱՆՔՆԵՐ ԵՎ ԲԱՐԵՍԱԴԱՐՈՒԹՅՈՒՆՆԵՐ

1(938). Աշխարս խաղաղ ըլի,

Տուք էլ բախտավոր զավակնի
ըլեք:
Աչկերնուն ցամաք մեծանան:

2(939). Աչկտ լիս կենա:

3(940). Ապրես:

4(941). Ապրես, քու նշանածի (ամուսնու)
հետ սաղ ըլես:

5(942). Ապրեք, կըռներնուտ կանաչ կենա:

6(943). Աստծու օխնանքը վե կյա, որթի
ջան, ծեր վրա:

7(944). Աստծուց քե միար մի հաչողու-
թյուն ըլի:

8(945). Աստված նրան խեչք տա, շնորք
տա:

9(946). Աստու տուռը քեզ համար պոց
ըլի:

10(947). Արևտ ապրի:

11(948). Բախտավոր ըլես:

12(949). Բախտավոր ըլի:
(Ասում են նորածին երեխային
օրհնելիս):

13(950). Բալա ջան, բաժակի հընգեր չըլեք,
Սըրտանց հընգեր ըլեք:

14(951). Բարով, հազար բարի եք եկել,
Կերած-խմածներնիտ էլ անուշ ըլի:

15(952). Բարցը պառին ըլի:
(Ասում են հիվանդին):

16(953). Չորանաս, զորտիկանաս,
Մեջտեղիցըտ կեռտիկանաս⁴:

¹ Իջևանցին ձուկն ավստում է ուտել, իսկ քիստը անապայման պետք է լիզի:

² Իջևանի շրջանում այսպես անվանում են այն մարդկանց, ովքեր պառավի մեծան կուչ եկած, ուտուլով փործում են աննկատելի ինչ-որ մեկին հետևել կամ ինչ-որ բան անել:

³ Այս արտահայտությունն ասվում է անբարոյական կանանց հասցեին: Դարձվածքի իմաստն այն է, որ կինն այնքան անբարո է, որ յոթ բան ունի (դաթտանի -կանացի սեռական օրգանը) (ծանոթ. բանասացի):

⁴ Այս օրինանքը ասվել է Իջևանում: Այս օրինանքի իմաստն այն է, որ մարդն այնքան ապրի, զորանա,

17(954).Զորանաս, ճխնխնոտես:

18(955).Էրկանքի պես պոփոտ կյան,
Լըվածքի պես շատանա:
(Ասում են նորածին երեխային
օրհնելիս)

19(956).Ժառանգներ ունենա:
(Ասում են նորածին երեխային
օրհնելիս):

20(957).Ինչ մուրազ տըրել ես, արժա-
նանաս,
Ինչի երազըմ ես, որ հասնես,
հասնես նրա հետևից:

21(958).Ծեր ծնունդը բախտավոր ըլի:
(Ասում են երեխայի ծնունդի
ժամանակ):

22(959).Ծովի ավազի չափ էրեխեք
ունենաս,
Երկնքի աստղերի չափ՝ թռններ:

23(960).Կապը պինդ ըլի:
(Ասում են նորածին երեխային
օրհնելիս):

24(961).Հարգանքով ըլես, շնորքով ըլես:

25(962).Հողը վրեն թեթև ըլի:
(Ասում են մահացածի մասին):

26(963).Հորով-մորով ըլի:
(Ասում են երեխայի ծնունդի
ժամանակ):

27(964).Հորով-մորով մեծանա:
(Ասում են նորածին երեխային
օրհնելիս):

28(965).Մեծանաս, խելքիտ հասնես:

29(966).Մի բախտի, մի թախտի ծերանաս:
(Ասում են ամուսնության
ժամանակ):

30(967).Մի պարի նպատակի
արժանանաս:

31(968).Մուրազիտ հասնես:

32(969).Նպատակիտ հասնես:

33(970).Սաղ ըլես:

34(971).Սրտերնուն բիրթ¹ մեծանան:

35(972).Տուն մտնես, տանը տիր կյան,
Տյուս կյան, տըռնը տիր կյան:
(Ասում են ամուսնության
ժամանակ):

36(973).Տյուռնե-տյուռը ման կյան, քու
բախտը քըթնես:

37(974).Քեզ թող աստված պահի:

38(975).Քեզ համար մի տուրը պան ըլի:

39(976).Քու ըրելին արժանի ըլես:

40(977).Քու հասակին, քեզ համար
համապատասխան մի բախտ
պանցվի:

41(978).Քու մերը քեզանից տասը պիրի:

42(979).Օղորմի քու ծնողաց ոսկորների:

43(980).Օղորմի քու հորը:

44(981).Օղորմի քու պապերին:

ՓԱՂԱՔՇԱԿԱՆ ԽՈՍՔԵՐ

1(982). Բոյիտ մատաղ:

ծերանա, որ մեջքից կռանա (ժամոթ. բանահա-
վաքի):

¹ Բիրթ - մղկկիտ (մղկոտոց) չտեման (ժամոթ. բա-
նասացի)

2(983). Իմ ըրեխանցը մատաղ ըլեմ:

3(984). Ղաքիտ մեռնեմ:

4(985). Մատաղ քե:

5(986). Մեռնեմ սրիւնց:

6(987). Ուտիտ տակն ընգնեմ:

7(988). Տավըտ տանեմ:

8(989.) Զու ոտի տակի թողը տռնեմ:

2(1002). Ծղնոտի վրա ծնված¹:

3(1003). Մուլի խարջը տալ²:

ԱՐԳԵԼԵ-ԲԱՆԱԶԵՎ

1(1004). Ով որ խոսա՝ խոստով անի,
Սկնըկլիրը կորտով անի:

2(1005). Ով որ խոսա՝ խոստով անի,
Կաղանի³ կ...-ը կորտով անի⁴:

ԵՐԴՈՒՄՆԵՐ

1(990). Ես հացիցն եմ խնդրել, որ...

2(991). Ըրեխանցս արևը:

3(992). Էն աստուծը:

4(993). Էն խաչը վկա:

5(994). Իմ ախարոր արևը:

6(995). Իմ հորն ը մոր կերեզմանը:

7(996). Գորըս արևը:

8(997). Գորըս կերեզմանը:

9(998). Սուտը մեռնի:

10(999). Վա՛յ, ֆուքի:

11(1000). Զոռանամ, թե սուտ եմ ասըմ:

ԳԱՐՏԱՒԱՐՈՒԹՅՈՒՆՆԵՐ

1(1001). Այսինչը (Ըռաքելը) չարըդ
տարավ:
(Իջևանում հանգուցյալի մաիդ
գուժելիս չեն ասում մեռավ):

ԱՆԵԾՔՆԵՐ

1(1006). Ա՛ ազըզամեռ:

2(1007). Ա՛ բեմուրագ:

3(1008). Ա՛ գյուլլեն նրա ոռը մտնի:

¹ Վաղ ժամանակներում աղքատ կանայք ծննդաբերում էին ծղոտի վրա, որովհետև հնարավորություն չունեին կտոր գնելու: Հետագայում «ծղոտի վրա ծնված» արտահայտությունը տրվում էր այն նորածինին, որի մայրը ծննդաբերության ժամանակ մահանում էր: Հավանաբար ծղոտի վրա ծննդաբերելը նաև ընչազրկություն էր նշանակում, և այդ հատկանիշը փոխանցվում էր նորածնին, որը զրկվում էր մորից: Ըստ բանասացի՝ այս արտահայտությունը Իջևանում տարածված է եղել, և իր հորեղբոր աղջկան նույնպես կոչել են «ծղոտի վրա ծնված», որովհետև նրա մայրը ծննդաբերության ժամանակ մահացել է (ծանոթ. բանասաց Ե. Սինոյանի):

² Իջևանում այս այլաբանական արտահայտությամբ երեխային կամ որևէ մեկին առավոտյան հարցնում են՝ «Քյնացիր մուլի խարջը տըվի՞ր»: Այսինքն՝ ցանկանում են իմանալ երեխան զուգարան գնացել է՝ փորը թեթևացնելու համար, թե՞ ոչ:

³ Կաղան - տղամարդու անուն է (ծանոթ. բանասացի):

⁴ Այս բանաձևն ասվում է տըվիմուկի (պահիտոցի) կամ այլ խաղի ժամանակ, որպեսզի խաղի մասնակիցները չխոսեն, այլ լռություն պահպանեն: Այս յուրօրինակ տարու-բանաձևը կարող է ասվել նաև այլ անուններով, այսինքն՝ երկրորդ տողի առաջին բառը կարելի է փոխարինել կենդանիների (էշ, շուն և այլն) և ծանոթ մարդկանց անուններով: Այս բանաձևն ասվում էր նաև քնելուց առաջ, որ երեխաներն անկողնում չխոսեին (ծանոթ. բանասացի):